



【主治】炙黄酒浸，治瘰疬，杀虫逐风，恶疮痔瘻，风顽疥瘙，功同鳖甲。藏器。五脏邪气，杀百虫毒、百药毒，续筋骨。日华。妇人血热。苏颂。

肉

【气味】甘，平，微毒。

【主治】湿气、邪气、诸虫。藏器。食之补益。陶弘景。

脂

【主治】摩风及恶疮。孟诜。

胆

【气味】苦，寒，有毒。

【主治】喉痹，以生姜、薄荷汁化少许服，取吐。时珍。

蟹

【释名】螃蟹、扬雄、横行介士、无肠公子，雄曰螯蚌，雌曰博带。



【气味】咸，寒，有小毒。

【主治】胸中邪气，热结痛，僻面肿，能败漆。烧之致鼠。本经。〔弘景曰〕仙方用之，化漆为水，服之长生。以黑犬血灌之，三日烧之，诸鼠毕至。〔颂曰〕其黄能化漆为水，故涂漆疮用之。其螯烧烟，可集鼠于庭也。解结散血，愈漆疮，养筋益气。别录。散诸热，治胃气，理经脉，消食。以醋食之，利肢节，去五脏中烦闷气，益人。孟诜。产后肚痛血不下者，以酒食之。筋骨折伤者，生捣炒罾之。日华。能续断绝筋骨。去壳同黄捣烂，微炒，纳入疮中，筋即连也。藏器。小儿解颅不合，以螯同白及末捣涂，以合为度。宗爽。杀茺苕毒，解鳝鱼毒、漆毒，治疔及黄疸。捣膏涂疥疮、癬疮。捣汁，滴耳聋。时珍。

螯蚌

【气味】咸，寒，无毒。

【主治】解热气，治小儿痞气，煮食。日华。

螯螟

【气味】咸，冷，有毒。

【主治】取膏，涂湿癬、疽疮。藏器。

石蟹

【主治】捣傅久疽疮，无不瘥者。藏器。

【附方】新三。湿热黄疸蟹烧存性研末，酒糊丸如梧桐

子大。每服五十丸，白汤下，日服二次。集简方。骨节离脱生蟹捣烂，以热酒倾入，连饮数碗，其渣涂之。半日内，骨内谷谷有声即好。干蟹烧灰，酒服亦好。唐瑶经验方。中鳝鱼毒食蟹即解。董炳验方。

蟹爪

【主治】破胞堕胎。别录。破宿血，止产后血闭，酒及醋汤煎服良。日华。能安胎。鼎。〔颂曰〕胡洽方治孕妇僵仆，胎上抢心，有蟹爪汤。堕生胎，下死胎，辟邪魅。时珍。

【附方】新二。千金神造汤治子死腹中，并双胎一死一生，服之令死者出，生者安，神验方也。用蟹爪一升，甘草二尺，东流水一斗，以苇薪煮至二升，滤去滓，入真阿胶三两令烊，顿服或分二服。若人困不能服者，灌入即活。下胎蟹爪散治妊妇有病欲去胎，用蟹爪二合，桂心、瞿麦各一两，牛膝二两，为末。空心温酒服一钱。千金。

壳

【主治】烧存性，蜜调，涂冻疮及蜂蛰伤，酒服，治妇人儿枕痛及血崩腹痛，消积。时珍。

【附方】新二。崩中腹痛毛蟹壳烧存性，米饮服一钱。证治要诀。蜂蛰螫伤蟹壳烧存性，研末。蜜调涂之。同上。熏辟壁虱蟹壳烧烟熏之。摘玄。

盐蟹汁

【主治】喉风肿痛，满含细咽即消。时珍。

鲎鱼

肉

【气味】辛，咸，平，微毒。

【主治】治痔杀虫。孟诜。

尾

【主治】烧焦，治肠风泻血，崩中带下，及产后痢。日华。

胆

【主治】大风癩疾，杀虫。时珍。

【附方】新一。胆胆散治大风癩疾。用鲎鱼胆、生白矾、生绿矾、膩粉、水银、麝香各半两，研不见星。每服一钱，井华水下。取下五色涎为妙。圣济总录。

壳

【主治】积年呷嗽。时珍。

【附方】新一。积年咳嗽呷作声。用鲎鱼壳半两，贝母煨一两，桔梗一分，牙皂一分，去皮酥炙，为末，炼蜜丸弹子大。每含一丸，咽汁。服三丸，即吐出恶涎而瘥。圣惠。

